

綏服紀畧圖詩

校刻綏服紀畧圖詩序

吏部文選司員外郎程振甲撰

四部之外有六盟六盟之外有俄羅斯於中國古無聞其地形陝輸以長東抵羅刹西迤幕北望海若不及焉康熙二十九年喀爾喀舉境內附俄羅斯始通貢使遣人入都肄國書矣其壤與喀爾喀相連爰

命重臣申畫疆界定互市之地設卡倫五十九所綏之來之迄今垂百餘年疆臣之經理其地者類皆畱

意撫循於山川能說登高能賦之旨未遑也我 湘
浦先生起而修之於伊犁已有成書於俄羅斯復得
八十一韻允文允武淵乎懿哉是詩之行也將見習
國書者人寫一本進之汗其汗徵言於國之黃髮曰
中國有

大聖人曷往歸之中國之賢侯大夫美政事能文章曷往
左右之夫乃知風人之旨與仁人之言感人深也又
豈區區爲掌故計哉

綏服紀畧圖序

稽古史鑑漢唐以來每多邊患非疲於西北卽
弊於西南駕馭鮮有長策惟我

聖朝克明峻德疆理天下五服制矣統御八荒遠夷
綏矣且以古所未聞之俄羅斯俾之習

國書而曉禮義開市易而歸約束是皆

廟謨神武

德洋恩溥所致也余旣作西招紀行圖緣述北漠庫

倫所事而兼采西南沿邊見聞復得八十有一
韻名之曰綏服紀畧圖詩是紀也間有身所未
歷者不無缺畧姑書之便於觀省以俟知者補
輯云

嘉慶元年冬至月湘浦松筠自識

綏服紀畧圖詩

松筠湘浦著

程振甲也園校刊

聖朝廣峻德安安治無爲萬邦久協和要服俄羅斯

從古無稽攷緣隔內外旗俄羅斯者北海徼外之國我聖朝明

德而廣德雖草木昆蟲均沾澤潤故俄羅斯一部因其俗尚而羈縻之莫不畏威懷德誠古所未有者也考之史鑑俄羅斯從無所載蓋有內外旗蒙古之隔是以從未與中國相通耳內旗者科爾沁等四十九旗札薩克王公是也外旗者喀爾喀七旗札薩克王公是也外旗本居內旗之外其俄羅斯更居外旗之外康熙二十七年喀爾喀全部內附之後俄羅斯始通中國內

札薩克四十九旗本元世後裔共有六盟游牧
均屬聯絡其極東界連盛京吉林之科爾沁
札賚特等十旗謂之哲哩木盟迤西有喀喇沁
土默特等五旗謂之卓索圖盟此盟游牧南與
山海關外之老邊九關臺及關內之喜峯口一
帶連界西與熱河圍場東崖口一帶連界又
圍場東北一帶帶有巴林祭曼敖罕翁牛特克什
克騰等十一旗謂之招烏達盟迤西轉南與直
隸張家口外察哈爾八旗蒙古游牧連界之烏
竹木親霍齊特阿巴噶阿巴噶那爾宿尼特等
十旗謂之錫林果勒盟又西南與山西歸化城
土默特八旗蒙古連界之四子部落烏喇特冒
明安等六旗謂之烏蘭察布盟又西南與陝甘
連界之鄂爾多斯七旗謂之伊克招盟此卽河
套西通寧夏者也近寧夏有阿拉善厄魯特親
王一其游牧遙通青海至外旗喀爾喀亦元世

後裔相傳兄弟七人分住大漠謂之七旗國
朝定制以一札薩克爲一旗今喀爾喀四部共
有八十札薩克是爲八十旗其游牧在阿拉善
迤北與北路科布多邊地相近者係札薩克圖
汗部迤東係三音諾彥部又東係土謝圖汗部
又東係車臣汗部自此南與錫林果勒盟游牧
交界東與黑龍江將軍所屬呼倫貝爾索倫達
呼爾等連界凡六盟四部均有特授之正
副盟長咸歸典屬統制若非國朝中外一家
俄羅斯何以得通中國余意元代史策旣書有
烏斯藏而不及俄羅斯者蓋因其素不奉
佛俗尚不同且未經綏服而不之書耳伊昔

平羅父何曾費偏師傳檄使霍蘭片紙定荒夷

黑龍江索倫土語以俄羅斯呼爲羅父黑龍江
北與羅父交界康熙二十九年有羅父犯界時

副都統諱薩布素奉命率兵進勦奪其
雅克薩城羅義遂遁仍復出沒無常屢經典屬
奉命檄詢俄羅斯久無回信會有近俄
羅斯之西洋霍蘭國使臣朝貢到京詢悉俄羅
斯情形兵部欽奉諭旨以俄羅斯哈屯
汗本係婦人且巢穴距邊地遙遠其邊界人等
如何構衅必不知情數次所發檄諭必係伊之
守邊頭目畏罪阻隔是以久無音耗因將始末
繕寫檄諭交霍蘭使臣帶回轉發俄羅斯始有
來文以羅義犯界之事本不得知奉到檄文業
經約束邊界人等永不滋事矣是役也一由霍
蘭發檄而永靖邊疆實賴廟算聖神洞鑒萬里
之外余向駐庫倫詢悉舊事緣黑龍江
界外所居之俄羅斯多係彼之遣犯往昔與索
倫構衅不過遣犯等爭打貂皮所致實非有意
犯邊益見常口聖謨深遠之至也大凡

守邊者遇事必應詳其起釁根由酌量情形論
以利害妥爲安戢辦理自不致釀成大事余現
駐西招憶及此不勝凜然自勉或問何以安戢
余曰國朝邊防吏治我聖皇睿慮周詳
教誡無微不至自乾隆戊辰以來收金川平伊
犁而同部盡降不招致而歸順者尤多凡絕徼
荒夷無不恭順可期萬載相安者也卽有意外
之虞無非一朝之忿其意固無所爲司事者惟
有仰承聖訓先爲查詢起釁端由或境內
兵役仗勢欺凌或守邊官吏藉端勒索一經得
實一面卽行具奏請以不法之兵役官吏按例
懲治一面發檄慰諭飭責其不應如是則其驟
然而起者必渙然而退並令獻其倡議者繩之
以法則立時安戢耳若果無勒索又非欺凌或
如唐之僕固懷恩唆使吐番回紇者惟有開其
愚惑諭之以理訪其唆使正之以義庶可易於

寧人息事我 聖皇嘗謂安邊之策若處一
家統制者修身而官吏兵役無不是則是倣則
邊地蠻夷盡可安享昇平矣 聖綏服習
訓煌煌教誨諄諄是在遵循罔斁耳
國書 永時俄羅斯既已遵奉檄文約束其邊界人等
通曉文理後換回遇事即以清文兼俄羅斯及
西洋字話繕寫馳遞庶有印證以免舛誤至今
永爲北海畫疆陞俄羅斯恭順既久因其地毗
定例 互相私越而於在邊貿易者亦便約束雍正五
年 欽派尚書等大臣三員一諱察畢那
一諱特古忒一諱圖麗琛恭奉 聖
旨前往會同俄羅斯勘定疆界並設卡倫 薩布
基鄂博 所設卡倫五十九座極東之十二卡倫
就近屬黑龍江將軍統轄輪派索倫官

兵戍守迤西之卡倫四十有七以喀爾喀四部
屬下蒙古按其游牧遠近每卡倫安設章京一
員率領兵丁皆令攜眷戍守其對面俄羅斯亦
一體安設所有兩面卡倫適中隙地蒙古語曰
薩布石堆曰鄂博凡薩布處所皆立鄂博爲界
間有叢林無可堆石卽削大樹鐫記爲基時庫
倫尚未派駐大臣凡此卡倫俱著辦理夷務之
喀爾喀王諱丹津多爾濟者統轄所有卡倫官
兵應需牛馬羊隻皆由酌規以平治定議條規
本旗札薩克屬下攤供酌規以平治所有喀爾
喀俄羅斯屬下人等沿邊互相偷盜者皆繩以
法而卡倫處所倘有被盜馬匹者卽令事主呈
報該卡倫跣踪交與對面卡倫按限嚴緝拏獲
審明罰賠治罪如不能拏獲卽於不能嚴緝之
該卡倫追賠給還事主兩相不食逋逃及恰克
圖貿易兩無權稅等款共十一則刊刻刷印頒

行自是喀爾喀俄羅斯沿邊人衆咸知約束一
聽規治俄羅斯有辦事公解名曰薩那忒其哈
屯汗係婦人礙難出名具稟遇有事件卽由薩
那忒申文直達理藩院奏請定奪永爲定制

市開恰克圖

地經理設專司

先是沿邊市易並
無定所時疆界既

明因卽附近

相度有恰克圖地處適中雍正七
年奉旨著於該處設立市集並派理藩

院司員三年

一換駐劄總理由是俄羅斯咸歸

恰克圖貿易矣迤東卡倫二十有八係土謝圖

汗車臣汗兩部所設迤西十九卡倫係札薩克

圖汗三音諾彥兩部所設是恰克圖爲四部卡

倫適中通衢山勢雄峻林木森然貿易商民建

立木城起蓋房屋費力無多頗爲堅固對面俄

羅斯建有市圈其貿
商民頻獲利中外示同規

易商夷亦皆恭順

商民頻獲利中外示同規

蓋外國人初同內地民人於市集交易一切惟恐見笑故其辭色似少遜順經恰克圖司員論以中外一家之道俄羅斯歡欣感激信睦尤著所有恰克圖貿易商民皆晉省人由張家口販運煙茶緞布雜貨前往易換各色皮張毡夷性片等物初立時商民俗尚儉樸故多獲利

貴大黃濟衆最爲奇

俄羅斯多食魚須大黃以解魚毒特派頭人專司收

買散給屬下官賣濟衆恰克圖販賣大黃者獨有一家係西寧回民俄羅斯最爲信服他商販此弗能售也然俄羅斯收買大黃非此一處其部通西洋西洋人亦常有販往售賣者蓋大黃雖爲草葯其濟衆實無涯也元耶律楚材嘗收大黃以治蒙古瘟疫是口外蒙古亦宜大黃余駐庫倫時曾以大黃搗爲細末浸以黃米酒蒸晒爲丸醫治瘟疫天花無不立效蓋大漠蒙古

屬下人不食米穀僅以牛羊酥乳爲食其臟腑
火盛故宜服之至西南回疆安集延等處食者
雖少而多用以染色是大
黃固爲邊地必需之物也

欽差設壬午乾隆二十七年始有欽

救命總操持先是庫倫所屬邊卡戍守年久凋散於
乾隆二十二年有前辦夷務喀爾喀丹

王之孫諱桑齋多圖濟者遵旨統理因竭

力整頓安設卡倫始克完善迨後夷務繁多始

駐一切仰遵欽差大臣同桑王總理其事甲申年

戊戌年又閉關聖訓自是永爲定例甲閉關

戊戌年

申約法寬猛化無知乾隆二十九年因附近卡倫之
喀爾喀俄羅斯互有遺失馬匹

數至逾千無憑稽查而俄羅斯以少報多殊爲
狡猾奉諭旨嚴行申飭遂閉恰克圖不與
市易俄羅斯後知悔過於三十三年遣使申請
馬匹舊事概無庸議懇乞開關交易時欽
差庫倫辦事大臣諱慶桂同喀喇沁貝子諱瑚
圖靈阿者凜遵訓旨會議章程復以俄羅斯
斯恭順緣由入奏得蒙聖恩俯准市易如
舊後於乾隆四十三年恰克圖俄羅斯有應會
審夷犯該頭目並不卽時會辦經庫倫辦事大
臣諱索林者一面閉關一面奏請暫停市易未
免過於急迫因奉諭旨責飭時尚書諱博
清額奉命馳往率同土謝圖汗諱徹登多
爾濟者悉心查辦俄羅斯悔罪懲治夷犯求開
市易於四十五年奉旨准其仍前交易此
先後兩次閉關之事仰賴聖明明罰示雷
指示寬猛並濟故俄羅斯咸知感畏

電致刑警愚癡固畢納托頑咭那喇爾推

乾隆甲辰

庫倫有商民靳明者販貨赴近卡倫之烏梁海
游牧貿易被俄羅斯所屬之布哩雅特等數人
劫去貨物是應明法示懲者時庫倫辦事大臣
諱勒保同喀爾喀副將軍郡王諱蘊敦多爾濟
盟長貝子諱遜都布多爾濟者三人共理其事
設法訪知盜首姓名奏請檄行俄羅斯駐劄
額爾口城之固畢納托爾拉木巴飭令捕盜會
審旋即弋獲烏拉爾齋數犯遣其咭那喇爾送
赴恰克圖同該處駐劄司員審明遂將照例罰
賠之十倍貨物如數呈繳正宜將賊犯明法示
衆乃其咭那喇爾人本糊塗意以呈出罰賠貨
物事已完結遂將數犯鞭笞鉗其鼻耳發遣伊
境東北無人處所並未詳細知會恰克圖司員
其辦理殊屬率謬庫倫大臣發檄詢之固畢納